



**SESOTHO A1 – HIGHER LEVEL – PAPER 2**  
**SESOTHO A1 – NIVEAU SUPÉRIEUR – ÉPREUVE 2**  
**SESOTHO A1 – NIVEL SUPERIOR – PRUEBA 2**

Friday 23 May 2003 (afternoon)  
Vendredi 23 mai 2003 (après-midi)  
Viernes 23 de mayo de 2003 (tarde)

2 hours / 2 heures / 2 horas

---

**INSTRUCTIONS TO CANDIDATES**

- Do not open this examination paper until instructed to do so.
- Answer one essay question only. You must base your answer on at least two of the Part 3 works you have studied. You may include in your answer a discussion of a Part 2 work of the same genre if relevant. Answers which are not based on a discussion of at least two Part 3 works, will not score high marks.

**INSTRUCTIONS DESTINÉES AUX CANDIDATS**

- Ne pas ouvrir cette épreuve avant d'y être autorisé.
- Traiter un sujet de composition. Vous devez baser votre réponse sur au moins deux des œuvres de la 3<sup>e</sup> partie que vous avez étudiées. Le cas échéant, vous pouvez inclure dans votre réponse une discussion sur une œuvre du même genre littéraire étudiée dans la 2<sup>e</sup> partie du programme. Les réponses qui ne sont pas basées sur au moins deux des œuvres de la 3<sup>e</sup> partie n'obtiendront pas une note élevée.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Elija un tema de redacción. Su respuesta deberá basarse en al menos dos de las obras estudiadas en la Parte 3. Se podrán hacer comentarios sobre una obra de la Parte 2 del mismo género, si fuera necesario. Las respuestas que no incluyan una discusión sobre al menos dos obras de la Parte 3 no recibirán notas altas.

*Ngola thapholiso ka se le seng sa lihlooho tsena. U ts'oanela ho amahanya karabo ea hau bonyane le lingoloa tse peli tsa karolo ea boraro tseo u ithutileng tsona. Karabong ea hau u ka 'na ua kenyeletsa tlhatlhobo ea sengoloa sa karolo ea bobeli sa mofuta o ts'oanang haeba ho lumelleha. Likarabo tse sa ipapisang bonyane le tlhatlhobo ea lingoloa tse peli tsa karolo ea boraro li ke ke tsa fumana limaraka tse ngata.*

### **Ts'oants'iso**

#### **1. Khetha**

- (a) Lingoloeng tse ling qetello ea baphetoa ba tsona ba sehlooho e hanana le litebello le maikutlo a rona re le babali. Bapisa tsela eo qetello ea baphetoa ba sehlooho e hlahisoang ka eona lingoloeng tse peli tseo u ithutileng tsona. Bonts'a hore na lingoli li fana ka ts'usumetso efe ea hore u lebelletse kapa u makatsoe ke se etsahalang kapa se hlahelang baphetoa qetellong ea litaba.

#### *Kapa*

- (b) Boholo ba lingoloa tsa ts'oants'iso li atleha ho hapa maikutlo a rona ka kholo le marangrang a isang sehlohlolong. Bapisa tsela eo ts'ebeliso ea liketsahalo tsa mantlha li hlahisoang ka eona ho fihlela sehlohlolo bonyane lingoloeng tse peli tseo u ithutileng tsona.

### **Pale**

#### **2. Khetha**

- (a) U ipapisitse le bonyane lingoloa tse peli tseo u ithutileng tsona a k'u bonts'e hore na lingoli li atlehile hakae ho ngola ka 'moko-tabana oa khethollano.

#### *Kapa*

- (b) Bapisa lingoloa tse peli tseo u ithutileng tsona tsa karolo ea boraro tseo ho tsona re ka reng lingoli li atlehile ho sebelisa maqiti a tsona a bongoli ho senola maikutlo a baphetoa ba sehlooho le ho hapa babali.

### **Lithothokiso Le Lithoko**

#### **3. *Khetha***

- (a) U ipapisitse le bonyane lithothokiso tse tharo kapa tse ‘ne, bapisa mekhoha eo u ka reng ka eona lithothokisi tseo u ithutileng tsona li atlehile ho sebelisa likarolo tsa puo tse kang; khetho ea mantsoe, karaburetso le popo e ikhethang ea lipolelo ho hlahisa maikutlo le menahano lingoloeng tsa tsona.

#### *Kapa*

- (b) Bapisa mokhoa oo lihloliloeng le bohlokoa ba tsona li hlahisitsoeng kateng lithothokising tse peli tseo u ithutileng tsona. U ipapise le bonyane lithothokiso tse tharo ho isa ho tse ‘ne.

### **Lipale Khuts’oe Le Lits’omo**

#### **4. *Khetha***

- (a) Bomenemene ke ‘moko-tabo o mong oo lingoli li ratang ho ngola ka oona. Lingoli tsa lingoloa tseo u ithutileng tsona li ngotse joang ka ‘moko-tabo oo? Mokhoa oo li ngotseng ka oona o hlahisa maikutlo a tsona e le afe mabapi le ‘moko-tabo oo? Karabo ea hau e ipapise le bonyane lingoloa tse tharo tseo u ithutileng tsona.

#### *Kapa*

- (b) Bapisa mokhoa oo tikoloho e hlahisitsoeng ka oona, le kamoo e sebelisitsoeng kateng lingoloeng tseo u ithutileng tsona. U ka ipapisa le lipale-khuts’oe tse sa feteng boraro karabong ea hau.

**Tse akaretsang**

**5. *Khetha***

- (a) Bapisa mekhoa eo lingoli tseo u ithutileng lingoloa tsa tsona li bonts'ang ho ts'oenyeha kapa ho ameha ka boemo ba basali sechabeng. Ho kenyeletsa lintlha tse amanang le litokelo tsa basali ho thusitse hakae ho haheng ha lingoloa ka botsona.

*Kapa*

- (b) Mokhoa oo litaba li phetoang ka oona o bohlokoa ho feta litaba ka botsona. U ipapisitse le bonyane lingoloa tse peli tseo u ithutileng tsona, bonts'a hore na u lumellana hakae le polelo e kaholimo.

*Kapa*

- (c) Lingoli hangata li sebelisa karaburetso ho fetisa molaetsa oa tsona ka mokhoa o hlakileng. Khetha lingoloa tse peli tseo u ithutileng tsona moo lingoli li atlehileng ho sebelisa karaburetso ka katleho, 'me u nts'e maikutlo a hau mabapi le katleho eo.

*Kapa*

- (d) Bapisa lingoloa tse peli tseo u ithutileng tsona u ipapisitse le mekhoa eo lingoli hlalosang boemo ba botho.
-